

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U GRAČANICI
Broj: 027-0-Su-25-000 676-10
Datum: 06.10.2025. godine

Na osnovu člana 64. stav 1. tačka b), člana 70. i člana 89. Zakona o javnim nabavkama („Službeni glasnik BiH“, broj: 39/14,59/22 i 20/24), člana 31. stav 1. Zakona o sudovima u Federaciji BiH („Službene novine F BiH“, broj 38/05, 22/06. 63/10, 72/10, 7/13, 52/14 i 85/21), na preporuku Komisije za javnu nabavku, broj: 027-0-Su-25-000 676-9 od 26.09.2025. godine, predsjednik Općinskog suda u Gračanici, donosi

O D L U K U O IZBORU NAJPOVOLJNIJEG PONUĐAČA

I.

Prihvata se preporuka Komisije za javnu nabavku, broj: 027-0-Su-25-000 676-9 od 26.09.2025. godine, te se Ugovor javne nabavke radova “Sanacija krova na zgradi Općinskog suda u Gračanici“ dodjeljuje ponuđaču BK GRADNJA D.O.O. Zenica, ponuda broj: 26/25 od 19.09.2025. godine, za ponuđenu cijenu, od 15.870,00 KM bez PDV-a, bez navedenog popusta, odnosno 18.567,90 KM sa PDV-om.

II.

1. Odabrani ponuđač iz tačke I. ove Odluke dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti orginalc ili ovjerne kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:
 - a) uvjerenje nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
 - b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
 - c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
 - d) potvrde nadležne/ih institucija o uredno izmirenim obavezama po osnovu direktnih i indirektnih poreza.
2. U slučaju da izabrani ponuđač propusti dostaviti dokaze iz prethodnog stava 1. u navedenom roku ili dostavi neprihvatljive dokaze, ova odluka će se poništiti.

3. Prijedlog ugovora dostavit će se na potpis izabranom ponuđaču po isteku roka od 10 (deset) dana od dana obavještenja učesnika u postupku o izboru najpovoljnijeg ponuđača.

III.

Ova odluka objavit će se na web-stranici suda, www.opsud-gracanica.pravosudje.ba, istovremeno sa upućivanjem iste ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

IV.

Ova Odluka stupa na snagu danom donošenja i dostavlja se ponuđaču koji je sudjelovao u postupku javne nabavke u skladu sa članom 71. stav 2. Zakona o javnim nabavkama.

V.

Po pravosnažnosti ove Odluke, Ugovorni organ će pozvati ponuđača radi zaključenja predmetnog ugovora kojim će regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke, broj: 027-0-Su-25-000 676 od 11.09.2025. godine.

Javna nabavka je sprovedena po postupku– Konkurentski zahtjev za dostavu ponuda – tenderska dokumentacija, broj: 027-0-Su-25-000 676-4 od 15.09.2025. godine. Obavještenje o nabavci je objavljeno na Portalu javnih nabavki, obavještenje o nabavci broj: 352-7-3-49-3-6/25 od 15.09.2025. godine.

Procijenjena vrijednost ukupne javne nabavke radova “Sanacija krova na zgradi Općinskog suda u Gračanici“ bez PDV-a iznosi: 17.090,00 KM.

Komisija za javnu nabavku imenovana Rješenjem predsjednika Općinskog suda u Gračanici, broj: 027-0-Su-25-000 676-1 od 11.09.2025. godine, je dostavila: Zapisnik o otvaranju ponuda, broj: 027-0-Su-25-000 676-7 od 26.09.2025. godine, Zapisnik o pregledu i ocjeni ponuda, broj: 027-0-Su-25-000 676-8 od 26.09.2025. godine i Preporuku o izboru najpovoljnijeg ponuđača, broj: 027-0-Su-25-000 676-9 od 26.09.2025. godine.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda o čemu je sačinila odgovarajuće zapisnike u kojima je utvrđeno sljedeće:

- Da je ukupan broj prispjelih ponuda: 2 (dvije) ponude,
- Da je broj blagovremeno zaprimljenih ponuda: 2 (dvije) ponude,
- Da je broj nepravilnih ponuda: nije bilo nepravilnih ponuda,
- Da je ukupan broj prihvatljivih ponuda: 2 (dvije) ponude:

R/br.	Naziv ponuđača	Ponuđena cijena bez PDV-a
1.	BK GRADNJA D.O.O. Zenica	15.870,00 KM
2.	La Vie d.o.o. Novi Grad	17.090,00 KM

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu ispunjavanja kvalifikacionih uslova te ocjenu prispjelih ponuda ponuđača u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupala, te da je preporuka za izbor najpovoljnijeg ponuđača data u skladu sa Zakonom o javnim nabavkama BiH, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocjenjen zbog „najniže cijene“.

Izabrani ponuđač BK GRADNJA D.O.O. Zenica, je izabran primjenjujući kriterij „najniže cijene“, koja iznosi 15.870,00 KM bez PDV-a odnosno 18.567,90 sa PDV-om.

Iz navedenih razloga, primjenom člana 64. stav 1. tačka b) i člana 70. stav 1. i 3. Zakona o javnim nabavkama („Službeni glasnik BiH“, broj: 39/14,59/22 i 50/24), te na osnovu člana 31. stav 1. Zakona o sudovima u Federaciji BiH („Službene novine F BiH“, broj: 38/05, 22/06, 63/10, 72/10, 7/13, 52/14,85/21), odlučeno je kao u dispozitivu tačke I. do V. ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema Odluke o izboru najpovoljnijeg ponuđača, a sve u skladu sa članom 99. i 101. tačka 5.) Zakona o javnim nabavkama.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje 3 (tri) primjerka.



V.D. PREDSJEDNIK SUDA
Husejin Šerbečić

Dostavljeno:

1. BK GRADNJA D.O.O. Zenica
2. La Vie d.o.o. Novi Grad
3. Računovodstvu,
4. a/a.